




頁

畢秋怡奏稿

湖廣總督任內



奏為恭謝

天恩事竊臣賫摺差弁回捧到

恩賜涇清渭濁圖墨刻到臣臣當即恭設香案望

闕叩頭謝

恩祇領欽惟我

皇上亮工熙績典學研經

皇乙夜揮毫賦心鏡而旁徵故實
萬幾游藝考却風而直扶前說

繹涇渭之本文義因詞見

闢清濁之舊說

聖指賢迷

至人既論定一言藝苑頓疑消千古乃猶以致知格物學貴探

原鑒朗衡平事求責寔爰

勅輶軒之使按地道以親尋載據經典之文繪輿圖而入
告自崆峒分派四時之水鑑如溯鳥鼠發源一石之泥斗許涇

則潭清底見渭則水挾沙行

軒鏡高懸萬里遙歸

日照

堯文手勅片詞渙若冰融豈徒正訛于鄭注毛牋實乃
垂戒于揚清激濁臣心殷汲古識愧窮經早年

東觀校書每考山經地志壯歲西陲持節遍經隴坂秦關宦
典大遊直過雙源自恨面墻而立肄業曾窺六義終慚坐井以
觀敬讀

睿製之精深益仰

璇摹之淵麗

讀書得間測蠡窮學海詞源為政可通繫矩極官方民隱難名
殊鮮欽佩無任光榮所有臣感激下忱理合恭摺圖而

奏謝

天恩伏乞

皇上睿鑒謹

奏
十一月二十三日 奏

奏為恭謝

天恩事竊臣賁摺差弁回捧到

御題王穀祥春雛得飼圖墨刻到臣當即跪迎恭設香案望

闕叩頭謝

恩祇領欽惟我

皇上學通格物政重養人

游藝幾餘寓目總閭閻疾苦
勤民日是寄情皆稼穡艱難昔

頒寶繪于雞雛已凜誠求

睿訓茲奉

璇圖於烏哺益欽

育物殷懷

御宇五十五年

厚澤遍鷓山鰈水蠲租億千萬數

深仁周蔀屋茅簷樂

壽宇以飛翔蠕動皆知

帝力遂生機而飲啄早棲總托春臺

品畫通求母之情艱鮮在抱

賦物示牧民之要

誥誠重申臣職在拊循責專康濟拜圖滋悚展卷弥珍

王政細及雞豚恍繪幽風之什有司宜勤芻牧如披無逸之篇
惟有遠布

仁膏攷守七言竇訓情求撫字廣敷三楚

恩波鑄錢靡涯懽欣曷既所有臣感激微忱理合恭摺

奏謝

天恩伏乞

皇上睿鑒謹。奏十一月十二日奏

奏為恭謝

天恩事竊臣奉到

恩賞福字鹿肉等件當即恭設香案望

闕叩頭祇領竊臣仰膺

殊眷疊荷

隆施肩鉅任于重湖方深寅畏矢愚忱於兩載未効涓埃茲當

壽宇回春復荷
宸章錫福煥

奎躔之麗景歛敷慶衍于箕疇轉斗柄之新韶熙洽麻凝于

昊錄况復

頌來俊味仙圃奇珍

賜出尚方蘭厨異品仰

義文之紉縵灑

湛露于瓊筵叶周雅之賡颺分股雲于

玉湛饌榮深燕喜感切芝銜臣惟有彈極微誠上推

嘉惠飲和食德羣黎遊

仁壽之天錫羨延洪全楚荷

吉祥之慶所有臣欣感下忱謹繕摺具

奏恭謝

天恩伏乞

皇上睿鑒謹

奏
正月初六日具奏

奏為恭謝

天恩事竊臣奉到

欽賜

御製入崖口各詩墨刻一卷當即恭設香案望
闕叩頭祇領欽惟我

皇上

吳錄凝祺

義圖演慶

篤祐並升恒共懋中祀

躬親

純禧偕禱載同恢

上蘭周歷萬國之共球畢集

龍光逢

萬壽昌期八紘之風雨咸和

駿烈頌

八句

天子秋辰習獮

乙夜揮毫爰從崖口行圍以及省賜城食寓詰武柔遐之

德意遵

家法者四十巡存節勞頤養之

淵衷荷十
天庥者億萬載商皇

麗藻本心矩以敷言鑄勒貞珉凜
前規而念典臣叨蒙

宣賜莫罄賡颺仰

聖修之行健如天自強不息欽

至德之含貞配地日進無疆從此講武山莊涿水檀河永慶康

強逢吉合圍磧塞名王藩部常欣鼓舞稱觴臣曷勝歡忻

銘感之至謹恭摺

奏謝

天恩伏祈

皇上睿鑒謹

奏 四月二十八日奏

皇上睿鑒

天恩

奏

奏為恭謝

聖恩竊臣賫摺差弁回捧

欽賜論語集解義疏一部到

臣當即跪迎至署望

闕叩頭謝

恩祇領欽惟我

皇上右文稽古典學尊經搜函室之精華萃大成于經史子集

皇

皇土纂尼山之統緒紹微言于刪定贊修
秘殿考訂羣編光增星嶽

經帷發揮

御論慕起羹墻迺以魯論之書允為孔門之奧載考程朱而外
天恩何晏先事編摹粵稽乾淳以還皇侃漸遺箋疏淪于海外
奏佚自宋年惟

中國有

聖人日本奉書而至自

熙朝宏文化壁經應運而來發其光于鮫室鯨波錄其副于
石渠天祿

命加校訂

頌及臣工臣志切橫經業漸窺管憶昔簪毫倬直曾探
蓬閣奇書何期

賜本遶榮快讀

御嬭嬛秘笈歡欣莫罄忭舞難名所有感激微忱理合恭摺

奏謝

天恩伏祈

皇上睿鑒謹

奏
十二月 初六日具奏

奏為恭謝

天恩事竊臣賁摺差弁回奉到

欽賜

萬壽衢歌樂章全部臣出郊跪迎望

闕叩頭謝

恩祇領欽惟我

皇上

龍德乘時

鳳鳴應瑞星雲歌紉縵萃

文武聖而妙極于神雅頌叶中和兼位祿名而必得其

壽惟治定功成而作樂

德邁五三更日新富有而

亶聰文成數萬欣際九如之

景運恭逢

八秩之洪禧合薄海內外以臚

歡周率土臣民而祝

嘏和聲鳴盛抒依

光介福之忱作則因心仿擊壤吹豳之意集成

睿製譜作民謠爰播夔司載宣樂府

智由天縱編來百斛雲珠巧錯神工裁就千番碎錦三百篇聲

金振玉章章畫協熏絃十二管換羽移宮字字均諧懈竹
循環雜詠具微愛戴之輿情舞蹈長言並躋延洪之

壽字臣心殷就

日職愧采風聆律呂之新調荷鄉媛之

寵錫組織盡

奎文寶思洵推

秘笈之鴻章瞻依近玉宇瓊樓恍奏廣庭之法曲事歸微寔

仰頌

萬年聖壽宏此遠謨義取陳詩編成一代樂章垂為奇製莫名

欽佩難罄忭歡所有臣榮幸感激微忱謹繕摺恭謝

天恩伏祈

皇上睿鑒謹

奏 十月十五日具奏

奏
十月十五日具奏

皇上睿鑒

天恩

萬年聖壽
九

請奏為恭謝

天恩事竊臣賫摺差弁回楚奉到

恩賞福字鹿肉當即出郊跪迎恭設香案望

闕叩頭祇領伏念臣幸際

昌期躬逢

壽宇

書彤軒錫福

八徵昭

皇極之詳

紫禁宜春一字仰

天成之妙

龍箋輝麗日瓊樓之晴雪初融

鳳翰燦華星靈嶽之祥雲乍湧兼以

皇尚方異味

賜出雕盤列鼎珍羞榮分

玉饌香溢蘭厨之品

膳頒蓬島之奇從此

曼福承

恩全楚拜康寧之慶

分甘飲德群黎徧和樂之情臣志切瞻

天行當就
日吹笙祝

嘏願同仙鹿銜芝奉珙抒誠竊效嘉鳧在藻懽欣莫罄抃舞難

謝名所有臣感激榮幸下忱理合恭摺

奏謝

天恩伏祈

皇上睿鑒謹○奏

正月十六日具奏

奏為恭謝

天恩事竊臣回任後接奉

恩賜

御製四得論四得論續墨刻二卷臣謹叩頭祇領訖欽惟我

皇上化融久照慶洽全昌秉持恆啓泰之圖

八徵延紀演春懋仁滂之運

五福舒疇燭時敬迓

鴻庥鏡宇普昭燕喜頌臚選邇願賡小雅於九如

論闡精微特繹中庸之四得位定尊卑之分博有典而有庸祿

息選隨大小之宜教是道而是總名須核實凜雨集之聲聞壽

天息本致恭驗日強於莊敬嘉兆不期夫瑞應得而有常蕃禧

必視乎德基修之者吉詮占詞於義象貫六藝以同條采

署記於禹偁擇羣言而居要篇章遞接恰諧璧合珠聯案

語申明倍顯日光玉潔蓋遺經寔與待揚詡於

睿思而率土瞻依仰

訓行於

皇極得清得寧而地天恒久

聖懷由兢業以著謙光成已成物而

仁知咸孚庶類並軒騰而抒愛戴臣節持江漢備沐

洪慈

文燦雲霞忭承

優賚願書萬本欽典謨以後未有之

鴻章歡奉

億齡際三五而還難逢之

景會前幸依

光密席仰瞻

宣聰行健之模今獲闡

訓瓊編益窺

錫福生祥之本所有臣感激欣慶下忱理合恭摺

奏謝

天恩伏祈

皇上睿鑒謹

奏

四月二十一日具奏

奏
四月二十一日具奏
皇上

天恩

奏

奏

奏

奏

奏

奏

奏

奏

奏

奏

奏

奏

奏

奏

奏

奏

奏

奏

奏為恭謝

天恩事竊臣賈摺差弁回楚奉到

恩賞錠子藥一匣當即叩頭祇領臣猥以駕鉞荷備沐

鴻施茲屆炎景迎熾薰風叶奏

九重恩錫百和香霏佩勝紉蘭捧錦絨之鄭重功逾蓄艾披絲

綏之纈紛極道和宣滯之神出自

尚方秘製仰愛物
仁仁民之用遍敷全楚

濃膏僚家騰懽康寧志慶所有臣感激微忱理合恭摺

奏謝伏祈

皇上睿鑒謹

奏
五月二十二日奏

奏為恭謝

天恩事臣前進李廷珪墨一方荷蒙

皇上賞收

御製墨雲室記并古墨歌各一首以示優異又

命臣與

內廷諸臣一體賦詩業經遵

旨恭和進呈
乙覽茲復奉到

賜臣

御書墨刻搨本當即叩頭祇領盥手敬藏乃復細繹

精言研窮奧旨知

游藝依仁之共貫道無往而不存識

觀文成化之相因物有小而可重創造者不必寓意鑒藏者祇

沉傳聞惟願類情通德之

至人極考義正名之能事遍稽儒林采錄爰溯墨法流傳漢京

則地記隄廩魏室則人標韋誕圖成九子義取祝婚笏有

二斤用資鎮庫莫罄對膠之術空矜點漆之能迨至易水

嗣興始擅新安妙製蘊書寔之餘馥掩香璧於蜀都罪佛

帳之輕煙軼月團之於江左故已澄心堂內曾傳四絕之

稱無如淮海齋頭僅見半丸之拜質良烏玉價溢黃金經

法一之珍藏存具茨之詠識盈尺宛同圭樣俱隨香印而
証明膚寸隱布雲容未逐龍紋而細辨我

皇上幾餘澤古

學懋勤民擷六藝之精英倣

三希之清閔墨采釀成瑞靄遍萬彙以昭蘇筆花灑作春膏
連八叶三農而慶慰想濃陰之發黷遠燭犀光覩靈氣之迴旋
常浮劔脊昭來繼往功在

右文尚朴屏華義兼式古舉引伸而觸類復咏嘆以長言於
是系以聲詩形之圖繪綉鏤瓊版摹搨金花仰

鴻藻之品題絕勝客卿之賦幸龍賓之遇合聿昭回氏之靈蓋
博物即以前民普潤

文淵之麗澤而

怡情兼資養性欣依

壽宇之長春臣學陋測蠡才慚載筆快

寶文之獲觀荷翠之分頒

祕殿賡颺曾厠

西清之列楚江瞻戀載分

東壁之光榮幸難名懽忭無已所有臣感激下忱理合繕摺

恭謝

天恩伏祈

皇上睿鑒謹○奏

六月初六日具奏

奏為恭謝

天恩事臣賞摺差弁回楚奉到

御賜瓷盤一件當即叩頭祇領竊臣材慚瓦礫幸荷

鈞陶任領封圻久叨

養養問俗未週化理愧忝素餐承

恩渥被

高深時虞覆餗茲復

隆施遙逮特蒙

異數寵頒窺規制吁

鴻鈞義起聶詩陸譜讀鏤題之

鳳藻理參月令豳風豈僅利用以前民益徵

對時而育物惟陽春有脚得氣而鼓發育之機洵

大造無私觸物而抱勞來之意快天光之和煦崔舌新烹

塵民力之艱辛

龍章式煥因心作則矣事銘泐盤盂即器增思彌勵飭修簠簋

大恩拜

賜而寵驚非分誦

詩而職愧多疎惟有宣布

綸言欽遵

睿訓仰愛勤于

宵旰億萬制器尚象之中普

慈惠于閭閻同享食

德飲和之福所有臣榮幸感激下忱謹繕摺具奏

奏恭謝

天恩伏祈

皇上睿鑒謹

奏
九月十五日具奏

奏為恭謝

天恩事臣賈摺差并回楚奉到

恩賞

御刻唐顏真卿書朱巨川告身一卷當即恭設香案望
闕叩頭祇領欽惟我

皇上

道契圖書

文垂謨訓

披函山之美富考核惟精

昭乙夜之鑒觀抑揚至當偶以唐賢麻素因徵書史流傳真蹟

天恩摩挲勒

三希之閱帖告身前後參六典之遺文

嘉亮節而飭素餐布宮箴于百尔構

精思而宣鴻寶揮

宸翰于

萬幾爰

命儒臣詳加排比乃藏

秘府永示奇珍翠深鑄具璧合珠聯之美錦函重護映星

輝日麗之光信神物之有靈際

昌期而斯顯臣識陋測蠡才慚搦管仰荷

垂慈慶渥
錫類恩深拜
賜而既極寵榮展卷而倍興觀感臨摹墨寶如挹忠義之高風

尋繹

綸音益勵靖共之素志所有臣榮幸感激下忱謹繕摺恭謝
天恩伏祈

皇上睿鑒謹奏

十一月二十六日 奏

奏為恭謝

天恩事臣賈摺差弁回楚奉到

恩賞鹿肉一匣當即恭設香案叩頭祇領竊臣猥以駑鈍仰沐

鴻慈叨

養養而稱職多踈荷

高深而酬

恩之術茲屆

上蘭氣肅正逢朔塞秋高循大獮之隆儀舉習勞之盛軌
聖躬矍鑠罄控仍用三驅

家法詒謀俯仰欣看七代欽

壽康之永慶為史冊所未聞望

清塵而仰

乾健之行講武備而式

豫遊之度迺荷

殊恩下逮特蒙仙脯遙頒珍出

尚方

九霄露潤甘分俊味百祿

寵膺臣心戀共

辰情殷向

日遠遣

莫中
結
餘
之
結
餘
之
結
餘
之

豹尾莫申獻祈之誠渥被

龍光恭預

頌禽之典感

恩滋悚拜

賜增崇惟願物阜年豐瀛宇叶祥和之化芝噀環獻

昌期徵瑞應之休所有臣榮幸感激下忱謹繕摺恭謝

天恩伏祈

皇上睿鑒謹

奏

十月初十日

奏

奏為恭謝
天恩事竊臣奉到

恩賞福字鹿肉等件當即恭設香案望

闕叩頭祇領伏念臣渥被

鴻慈躬逢

壽宇茲屆春回鳳紀恭蒙

福錫龍成慶叶九如恭

義畫仰

同文之盛祥開

七代箕疇應

皇極之符欣畫棟之恭懸映春暉而並麗况復甘分俊味
寵錫竒珍挹仙圃之腴雲沐蘭厨之
湛露榮深燕喜感切芝銜臣惟有敬布延洪羣黎共遊

仁壽廣推

恩澤兩湖悉飲

和甘所有臣欣感下忱理合恭摺奏謝
天恩伏祈

皇上睿鑒謹

奏

正月初三日具奏

奏 五月三日具奏

皇上睿慮

天恩

具

奏

奏為恭謝

天恩事竊臣接准吏部咨本年

京察屆期開列各督撫名單具

題奉

旨畢著交部議叙欽此欽遵移咨到臣欽承

恩命感悚莫名伏念臣猥以輕材久叨

渥眷受
主知之

特違慚末學之空疎出館閣而領封疆責專鎖鑰自秦豫而移

荆楚任寄師干四載撫循宣

德意而民知草故兩湖繁庶荷

慈福而慶豐登時懷汲深綆短之虞常抱覆餗素餐之懼茲逢

激揚

令典重蒙

獎叙新綸廿餘年疊被

殊榮洵儒生難逢之

異數七計吏皆登上考尤臣子罕遇之

隆施

九重昭鼓舞于官方五夜凜冰淵于臣職惟有益持敬畏倍勵

精忱奉

恩訓日省其身心巽巖疆漸移夫風俗稍効秋毫之報稱上酬
裁成所有臣感激下忱謹恭摺

奏謝

天恩伏祈

皇上睿鑒謹

奏
三月初十日

奏為恭謝

天恩事臣賈摺差弁回楚奉到

恩賞

御製正陽橋疏渠記墨刻一卷當即恭設香案望

闕叩頭祇領訖臣恭誦

鴻文仰窺

寶思于作事謀始之中寓敬

天勤民之意伏惟責陽布令

翠罕乘春以

輦路經行之處正

壇垣對峙之間輿馬馳驅未昭嚴肅風沙迴聚弗愜觀瞻爰

命冬官傍街衢而相度遂因地脉通渠澮以洩宣左右分承法

坤維之六斷北南並達儼乾象之三連跨虹彩于靈泉觀

水有術試鸞鈴于坦道行地無疆

畿甸拓規模之一舉而衆美畢備

皇都增壯麗萬年之景運彌長因溯鳩工還槁

鳳藻事非得已作所徵無逸之篇

績乃有成展卷勝考工之記臣叨承

頒賜什襲珍藏無任

寵榮莫名欽服所有臣欣幸感激下忱謹繕摺具

奏恭請謝

天恩伏祈

皇上睿鑒謹

奏 四月初二日奏

奏為恭謝

天恩事臣賈摺差弁回楚奉到

恩賞錠子藥一匣當即叩頭祇領竊臣忝膺

殊遇叠荷

隆施茲以序屆長羸復又恭切

榮賚彩絲輕繫

尚方分縑佩之珍錦匣遙傳

祕苑賜導河和之品延休順序羣生齊慶吉慶祥宣滯凝嘉全

楚咸登

仁壽祇承

德意廣布

恩膏莫罄抃歡弥增榮幸所有臣感激微忱謹恭摺奏謝
天恩伏祈

皇上睿鑒謹

奏 六月初七日具奏

皇上眷念

奏為恭謝

天恩事竊臣賫摺差并回楚奉到

欽賜

御製圭瑁說摺圭說墨刻兩軸當即出郊跪迎恭設香案望

闕叩頭祇領欽惟我

皇上博物怡情

激芳澤古

鳳藻溯六經而上煥有文章

鴻規邁三代以前圖傳禮器乃者遠稽古玉載考前聞或為圭
或為璧既有殊稱或曰執或曰楮間多異議惟禹貢著錫
天息圭之語祇載其名即虞廷留輯瑞之文未詳厥制圖縱真
而難據啗索駁之愚鼎即贗而無傳益信合將符之謬議
禮真如聚訟解經轉以傳訛况制器因時義有尚質尚忠
之別而當王者貴道無相沿相襲之模粵考往古群言志
待折衷

聖論監于成憲考文特炳乎圭璋宏此遠謨制度聿詳夫玉步
因心自合乎古論史必宗乎經或煥星雲彌輝琬 臣測
蟲識淺刻楮才疎渥荷

龍光叨瞻

鴻藻捧來

寶翰始知耳食多慚

賜出

琅函祇覺心銘曷既弥深
林慶倍切光榮所有臣感激下忱理

合繕摺恭謝

天恩伏祈

睿聖上鑒謹

奏

六月二十七日

奏

奏為恭謝

天恩事竊臣貴摺差弁回楚奉到

欽賜

御製及蘇軾超然臺記墨刻一軸當即出跪郊迎恭設香案望

闕叩頭祇領訖欽惟

皇上軒鏡心懸

堯文手勒

聖學獨臻乎超詣

微言自入于至精繫北宋之儒臣有超然之舊記筆下鼓天風
海濤之氣居然旨托逍遙行間有蓬萊方丈之思相與游
從漫汗抑識道非身外誰馳象外之觀要知理在環中寧
侈域中之大
鴻文超玉局寔為奇而又奇

鳳翰播瑤林益欽

聖不自聖識靜虛之本旨義豈翻新闢異衍之浮詞道存糾謬
羣疑而抒妙解不數蘇文萬斛之觀標心得以揭指歸直
扶大學一篇之奧臣學漸蠹測心切管窺恭讀

奎章藉仰內聖外王之秘敬繕

睿製默識心源治法之全什襲永珍服膺靡既所有臣感幸下

忱理合恭摺

奏謝

天恩伏祈

皇上睿鑒謹

奏 七月十六日 奏

奏為恭謝

天恩事竊臣費摺差并回楚奉到

欽賜

御製回疆三十韻墨刻一卷當即出郊跪迎恭設香案望

闕叩頭祇領欽惟

皇上

手挈乾維

功功恢坤絡納八荒於壽宇

威稜懔月窟之鄉統四極於提封

聲教訖天方之國溯自準夷底績旋看回部犁庭紆

廟奠者甫屆五年拓戎索者已逾萬里表戰功于黑水神兵直

走掃花門著瑞應于玉河職貢遠來葱嶺廿八宿星躔而外

盡隸

皇圖三十年耕鑿相安同遊

化國曩者

論垂開惑秉玉斧於幾先迄乎

碑紀成功握珠鈐於善後乃復

心殷保泰

念厓撫謙

揭撫遠之良規兩言炳鑑

蘊求寧之至意卅韻聯珠偕星輝雲爛以常昭解愠通于格縵
邁帝典王謨而無上敷文特紀昭華臣昔直

樞廷叨塵史館曾與編摩之清職仰窺烏爽之

鴻庸茲逢

聖製重賡復荷

奎章特錫圖成王會永綏蕃部之耕屯銘勒天山倍凜
睿懷之敬畏彌珍什襲益仰

高深所有感激抃躍下忱謹繕摺恭謝

天恩伏乞

皇上睿鑒謹

奏 九月二十四日具 奏

奏為恭謝

天恩事竊臣賞摺差弁回楚奉到

恩賞福字鹿肉等件當即恭設香案望

闕叩頭祇領訖伏念臣久荷

洪鈞深虞素食自持節西陲之始建銜

綸南服而還疊

錫瓊箋煥光華

九陛頻分

玉食叨

豢養者卅年茲者斗柄初迴

奎章載捧

萃七世無疆之慶祝華符三翠萬年有道之基

錫箕用五蔚鳳鸞而並翥燦雲日以交輝矧復香分草野之度

美識芝田之味臚

上方之珍品竊愧充庖冰韶序之春膏敢忘正席臣惟有廣

推

天澤敬播

鴻慈仰畫棟而心切近

光撫雕盤而時賡飽

德荆南楚北襲軒同熙皞之遊鄂渚衡陽風雨溥

和甘之

賜所有臣感激榮幸下忱謹恭摺

奏謝

天恩伏祈

皇上睿鑒謹

奏

正月十五日具奏

奏為恭謝

天恩事竊臣賁摺差弁回楚奉到

欽頒

御製十全記墨刻一卷臺灣戰圖十二幀當即出郊跪迎恭設

香案望

闕叩頭祇領欽惟

皇上

德媿重華

功超大武拓疆域者數萬里梯航盡東鯨西鷄覃
聲教於億千年琛畫盡流沙槃木普天化洽

宣威維百勝之餘益地圖開

成奠以十全為備昔者平準夷定回部

神戈電掃山河逾兩戒而遙邇歲殲金川靖臺灣

帝旆霞揮疆索迄廣輪以外迺至誠輸緬甸贊奉安南莫不頌

泮水而懷好音望靈台而歌偃伯詎有痕都遺種衛歲么

膺悖象教於祇園肆蝎爭于蠻觸上塵

殿前之聚米特隆閩外之長城挾纊騰懽都忘雪汜冰寒之

候援繩飛度豈假懸車束馬之勞八克以無前三絕

三驅通而乃定千羣面縛坐令因壘而降萬灶烟銷不待

築城以受纜一期而寧全歲比七旬而格有苗稽史冊仰

駿業之獨隆拓廣輿為象胥所弗載此皆由我
皇上義懲不悛
仁洽來庭頻紆
廟略于九重屢奏

膚功于三捷揚四極無前之烈及今歲厥全功
基恰喜得乎成數遂乃

鴻文下賁猶深保泰持盈

鳳藻遐宣益信有征無戰

策操十勝偕周千夏威以常昭

道在全昌邁帝典王謨而無上別有圖陳武庫壤奠瀛壖千重

疊嶂驚濤真如示掌一片刀聲礮火相欲添毫指顧風雲

親覩蕭曹碩畫飛揚旌旆歛呈褒鄂英姿論戰功則八陣

新成早獲標名

紫閣誦

宸章而二漢永靜重看宸績

丹毫臣認荷

寵頒仰窺

睿算事出於不得已止戈乃

上聖之心功至於茂以加

底績是太平之象從此挽銀河而洗甲不數版泉丹浦之師

煥雲日以成文聿彰玉版金泥之瑞

圖書媲美

琬生輝恭緘錦帙以尊歲敬勗雲初而世守懽忻莫罄欽

佩何涯所有臣感激慶忭下忱謹繕摺恭謝

天恩伏祈

皇上睿鑒謹

奏 二月初十日 奏

睿鑒莫

因時布治齊其政不易其宜

綏遠垂模修其教不移其俗

用中有要馭外無疆蓋以蒙古素信喇嘛而衛藏最崇黃教

天恩授徒相襲事比傳衣出世轉生弊滋聚族遞推間多訛誤

附會易涉猜疑此則上年沙瑪爾巴所以犖端而廓爾喀

衆因之構衅也我

皇上義征不悞

天仁洽來庭既申因壘之威俯仰納款闕之請於是藏地^為圖其

剏若久遠為番僧擇所皈依

特頒送佛之規函開玉笈永定安禪之制名貯金甌從此諸衆

生共戴

慈雲亘萬世咸登

壽宇示

昭代輯番之要略斥前朝佞佛之靡風

琬生輝典謨媲美臣叨蒙

恩賜倍切欽承安象教於祇園諸部俱歸寧謚靖蝸爭於蠻觸

邊庭永服

懷柔莫罄揄揚曷勝敬佩所有感激下忱謹繕摺恭謝

天恩伏乞

皇上睿鑒謹○奏

三月初四日具奏

奏為恭謝

天恩事竊臣貴摺差弁回楚奉到

欽賜

御製修德修刑論及書隋文帝改元事墨刻二卷當即出郊跪

迎恭設香案望

闕叩頭祇領欽惟

皇上握符行健

執契斟元百度惟貞無逸仰

王心之謚四時為柄有恒占歲序之亨

綜萬幾而旰食宵衣已頌均調於玉燭齊七政而和風甘雨猶

勤推驗於璇璣謂遇變而修德刑管子未諳乎治術卜世

而分晝夜京生寔悖乎師言彼數家窺測之私心非

皇極經猷之大本爰乃

特標丹筆載勅

宸章

闡敬恭為夙夜之基緝熙罔間揭明晦乃陰陽之

準差忒無虞况乎經緯殊途燦列周天之度清蒙分氣犁

然測地儀晝有考而夕有糾握千聖微危之要

。天道遠而人道邇闢五行懲伏之訛臣叨荷

寵頒恭窺

睿旨不待遇災而懼久微

天協撰於清寧從知得主有常益仰

齊光於日月聿昭訓典邁堯襟禹抱而非夸不尚機祥覺衡

玉渾銅之猶淺欽忱莫罄敬佩弥深所有臣感激欣忭下

忱謹繕摺具

奏恭謝

天恩伏乞

皇上睿鑒謹

奏 四月初八日奏

奏為恭謝

天恩事臣費摺差弁回楚奉到

欽賞餃子藥一匣當即叩頭祇領竊臣猥以幹才久叨

殊眷茲屆節逢午日奏叶薰風鄭重錦函頒來

天上氤氳瑞景弥布江闌仰調劑于

尚方遠勝浴蘭蓄艾沐芳華于炎序傳看彩綉靈符敬纓佩

尚以分貽勤宣
德意爰導適和而溥惠
默名嘉祥渥被

恩光莫名欣幸所有臣感激微忱謹繕摺恭謝

天恩伏祈

皇上睿鑒謹

奏
五月二十九日具奏

奏為恭謝

天恩事竊臣賁摺差弁回楚奉到

恩賞啖咭喇國所進暎岐一端當即出郊跪迎恭設香案望

闕叩頭謝

恩祇領伏念臣猥以輅材謬膺

殊眷頻叨

蕃錫以荷

隆施茲逢

聖德覃敷

皇威遠震交州款服衛藏輸誠西域貢其織皮南荒獻夫馴象

惟彼暎咭喇國分踈內屬地隔重洋乃測水而占

聖人爰載贄以登天

天府

頌如繡段儼承

黼藻之華襲比芻裘尚挾海雲之潤捧絨懽蹈拜

賜欽承所有感激下忱理合恭摺

奏謝

天恩伏祈

皇上睿鑒謹

奏 十月十六日具 奏

奏

皇山

天恩

奏

奏

奏

奏

奏為恭謝

天恩事竊臣賈摺差弁回楚捧到

欽頒

御製西藏善後事宜詩並凱旋兵丁各歸本營紀事墨刻各一分當即出郊跪迎至署恭設香案望

闕叩頭謝

恩祇領欽惟

皇上

聖武懋昭

睿謨廣運

宣威三藏珠鈐垂無外之規

制勝十全寶錄紀有虔之武武仰綏懷之

盛烈特宣久大之

鴻圖竊惟衛藏巖江疆僻在諸蕃絕域職貢雖通乎前代僅事

羈縻聲靈始警夫於我

朝頻經戡定惟邊情之所繫即政要之攸宜適者噶布倫妻

肆營私廓尔喀乘機構釁

皇上

義征不諉

仁育來庭

神謨預燭乎幾先

睿算遐周於善後由是通互市鑄官錢玉帛徧恆沙之遠飭番
兵整軍械金湯際窮髮而遙挈壺頌選佛之規駐節定安
禪之制懽迎振旅望六師而爭至壺漿喜溢提封徑萬里
而安行衽席敷天有慶亘古無倫爰以
幾餘特揮

宸翰

天璣甄度載歌昭馭世之符

帝鏡懸光至訓示詰戎之要分頒中外祇奉球音咸欽

大武之惟揚網維鰲極敬觀

鴻文之丕煥藻耀龍光竊荷

恩頒珍為世寶實不勝感激欣忭之至謹恭摺

奏謝

天恩伏祈

皇上睿鑒謹

奏
九月二十九日具 奏

奏為耆民壽登百歲懇請
旌表以彰人瑞事恭奉

恩詔軍民年至百歲者准其旌表欽此茲查有通城縣壽民胡
楚英生于康熙三十三年正月二十六日屆今乾隆五十
八年壽登百歲五世同堂經通城縣知縣郝權據報詳府
由司轉詳前來臣看得該壽民胡楚英世傳忠厚性秉淳

良矍鑠百齡夫婦齊眉舉案繁昌五世曾元繞膝同堂此
蓋幸值

昌期恭逢

壽宇

慈恩錫嘏箕疇開五福之先

和氣肇祥嵩祝衍萬年之祚祖還扶侍杖而戴
堯天孫更有孫含哺而歌

舜日似此期願上瑞允為

盛世嘉徵宜予

旌榮合邈

曠典除冊結送部外謹恭摺具

奏伏祈

皇上睿鑒謹

奏 十月十七日具奏

